

DECRETO NÚMERO 16003243 DO 02/05/2016

Ilmo. Sr. Don XOSE DANIEL PIÑEIRO VILLARES, Tenente de Alcalde-Delegado da Área de Desenvolvemento Sostible e Persoal do Excmo. Concello de Lugo.

A Xunta de Goberno Local do Concello de Lugo, en sesión ordinaria celebrada o día vinte de abril de dous mil dezaseis, adoptou, entre outros, o acordo número 13/216 BASES DO PROCESO SELECTIVO PARA A ELABORACIÓN DUNHA LISTA, PARA A COBERTURA INTERINA DE PRAZAS DE FUNCIONARIO NA CATEGORÍA OFICIAL ELECTRICISTA.

Esta Concellería, en virtude das atribucións conferidas á Alcaldía e á Xunta de Goberno Local polos artigos 124 e 127 da Lei 7/1985, do 2 de abril, reguladora das bases do réxime Local, así como das delegacións efectuadas polo acordo número 4/455, adoptado pola Xunta de Goberno Local na sesión extraordinaria e urxente celebrada o 7-7-2015, e polo Decreto número 15010037, ditado o 7-12-2015, **RESOLVE:**

Primeiro.- Convoca-lo proceso selectivo para a elaboración dunha lista, para a cobertura interina, de prazas funcionario/a na categoría de Oficial Electricista, de acordo coas seguintes bases:

“1.- OBXECTO DA CONVOCATORIA

Estas bases teñen por obxecto rexer a convocatoria do proceso selectivo para a elaboración dunha lista para a cobertura interina de prazas de funcionario/a na categoría de Oficial Electricista dende a que se irá chamando os/as candidatos/as pola orde de puntuación obtida por cada un/unha deles, para o nomeamento interino dun funcionario/a dun/dunha Oficial Electricista, por acumulación de tarefas, durante un período de 6 meses.

De igual xeito, unha vez modificada a relación de postos de traballo deste Concello, a lista resultante deste proceso selectivo poderá ser empregada cando sexa necesario proceder á cobertura interina, nos demais supostos previstos no artigo 10 do Real decreto legislativo 5/2015, do 30 de outubro, polo que se aproba o texto refundido da Lei do Estatuto básico do empregado público, de prazas funcionario/a na categoría de Oficial/a Electricista.

2.- REQUISITOS DOS/AS ASPIRANTES

Os/as aspirantes deberán reunir os requisitos que a continuación se sinalan na data de finalización do prazo de presentación de instancias, tendo en conta que no prazo de corrección de defectos unicamente poderá corrixirse o requisito da non-presentación do DNI, permiso de conducir C e da titulación.

Para ser admitido/a a esta convocatoria, os aspirantes deberán reunir, na data na que finalice o prazo de presentación de instancias, os seguintes requisitos:

- a) Ser español ou nacional dos demais estados membros da Unión Europea. Así mesmo, poderán participar no proceso selectivo os/as estranxeiros/as que

PERSOAL

MLP/egp

Refª: 16drconvcobinterinaOficialElectricista

Asunto: convocatoria proceso selectivo

reúnen a condición de cónxuxes de españois ou de nacionais doutros estados membros da Unión Europea, sempre que non estean separados de dereito, e os seus descendentes e os do seu cónxuxe menores de 21 anos ou maiores que vivan ás súas expensas.

As mesmas regras aplicaranse, se é o caso, ás persoas incluídas no ámbito de aplicación dos tratados internacionais celebrados pola Comunidade Europea e ratificados por España, nos que sexa de aplicación a libre circulación de traballadores.

b) Estar en posesión do título de técnico/a en instalacións eléctricas e automáticas, ou título superior ou equivalente na mesma especialidade.

c) Estar en posesión do permiso de conducir C.

d) Ter cumpridos dezaseis anos e non exceder, se é o caso, da idade máxima de xubilación forzosa.

e) Non ter sido separado/a mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial. No caso de ser nacional doutro Estado, non atoparse inhabilitado ou en situación equivalente nin ter sido sometido/a a sanción disciplinaria ou equivalente que impida, no seu Estado, nos mesmos termos o acceso ó emprego público.

f) Non padecer enfermidade ou defecto físico que impida ou menoscabe o normal exercicio da función.

3.- ÁMBITO DE PUBLICIDADE

O anuncio de convocatoria farase público no Boletín Oficial da Provincia de Lugo.

Os sucesivos anuncios en relación con este proceso, publicaranse no Taboleiro de Anuncios do Concello de Lugo.

4.- PRAZOS E REQUISITOS DE FORMA NA PRESENTACIÓN DE INSTANCIAS

Os/as que desexen tomar parte neste proceso deberán facelo constar na instancia que lles será facilitada no Rexistro Xeral do Concello. As instancias dirixiranse ao Excmo. Sra. Alcaldesa do Excmo. Concello de Lugo, e nelas farase constar expresa e detalladamente ademais dos datos persoais do/a solicitante, que se reúnen todos e cada un dos requisitos esixidos na base 1.

Prazo de presentación: o prazo de presentación de instancias será de dez días naturais, contados a partir do día seguinte á publicación desta convocatoria no Boletín Oficial da Provincia de Lugo. Se o último día coincidise en sábado ou festivo o prazo quedará prorrogado ata o seguinte día hábil inclusive.

Lugar de presentación: a presentación de instancias realizarase no Rexistro Xeral do Concello ou a través da vía establecida no artigo 38 da Lei 30/92, do 26 de novembro, de réxime xurídico das administracións públicas e do procedemento administrativo común.

Documentación que hai que presentar xunto coa instancia. As instancias terán que vir acompañadas dos seguintes documentos:

- a.- Fotocopia compulsada do DNI
- b.- Fotocopia compulsada do permiso de conducir C.
- c.- Fotocopia compulsada da titulación esixida.
- d.- Fotocopia compulsada de toda a documentación que poida serlle puntuada neste proceso.

5.- SISTEMA DE SELECCIÓN

Consistirá en dúas fases:

A) Realización das seguintes probas:

- a) A proba teórica consistirá en contestar por escrito un cuestionario tipo test composto por 40 preguntas relativas ó temario que figura a continuación. Este cuestionario estará composto por preguntas con tres respostas alternativas, sendo unha delas a correcta. O tempo máximo para a realización deste exercicio é de 30 minutos. Cada pregunta contestada correctamente terá unha puntuación de 0,25 puntos. A mal contestada restará 0,083, puntuando con 0 puntos a deixada en branco. Para superar a proba teórica e pasar a proba práctica deberá acadarse polo menos unha puntuación de 5 puntos.

TEMARIO DE MATERIAS XERAIS

Tema 1.- O municipio de Lugo. Poboación e termo municipal. Organización e competencias. Servizos municipais.

Tema 2.- O procedemento administrativo: fases.

TEMARIO DE MATERIAS ESPECÍFICAS

Tema 1.- Coñecemento xeral e capacidade de interpretación dos regulamentos: Regulamento electrotécnico de baixa tensión e instrucións complementarias. Regulamento sobre condicións técnicas e garantías de seguridade en centrais eléctricas, subestacións e centros de transformación.

Tema 2.- Coñecemento xeral e capacidade de interpretación do Regulamento electrotécnico de alta tensión.

Tema 3.- Constitución electrónica da materia. Corrente continua (c/c). Corrente alterna (c/a). Magnitudes eléctricas fundamentais. Lei de Ohm.

Tema 4.- Ensamblaxe de resistencias. Efectos térmicos da corrente eléctrica. Xeradores de c/c. Leis de Kirchoff. Utilización actual dos xeradores de continua.

Tema 5.- Condensadores. Ensamblaxe de condensadores. Utilización dos condensadores como correctores do factor de potencia. Coidados para ter en conta cando se traballe cos condensadores.

Tema 6.- Magnetismo. Electromagnetismo. Xerador de c/a. Efecto autoindución e da capacidade en c/a. Circuito en serie. Circuito en paralelo.

Tema 7.- Correntes trifásicas. Circuitos monofásicos, bifásicos e trifásicos: aplicacións destas correntes. Alta tensión. Baixa tensión. Transformadores de potencia: funcionamento, tipos e proteccións.

PERSOAL

MLP/egp

Refª: 16drconvcobinterinaOficialElectricista

Asunto: convocatoria proceso selectivo

Tema 8.- Aparellaxe eléctrica de alta tensión. Seccionadores. Interruptores de pequeno de volume de aceite. Interruptores de gas. Transformadores de tensión. Transformadores de intensidade. Illadores. Autoválvulas. Tipos de apoios de redes. Crucetas. Condutores empregados. Fusibles de alta tensión. Interruptores diferenciais. Postas a terra.

Tema 9.- Aparellaxe eléctrica de baixa tensión. Caixa xeral de protección (CXP). Equipos de medida. Seccionadores. Interruptores en carga. Fusibles de baixa tensión. Interruptores diferenciais. Postas a terra.

Tema 10.- Instalacións de distribución de enerxía en baixa tensión: materiais empregados e forma de executalas. Cadros eléctricos de baixa tensión. Compoñentes e disposición. Exemplo dun cadro para alimentación dun pequeno taller. Instalacións interiores. Elementos que compoñen unha instalación interior.

Tema 11.- Iluminación pública. Singularidades das instalacións de iluminación pública. Cadros. Redes. Canalizacións. Arquetas. Condutores. Tomas de terra. Soportes. Caixas de conexión. Puntos de luz. Equipos auxiliares de iluminación pública. Reactancias: tipos e modelos. Condensadores. Arrancadores. Lámpadas.

Tema 12.- Seguridade e saúde. Traballos en altura. Secuencias de actuación para traballos sen tensión. Secuencias de actuación para dar tensión á instalación despois do traballo. Traballos en proximidade de instalacións en tensión. Manexo de ferramentas. Tensións de seguridade. Normas para traballar en centros de transformación. Cambios de fusibles. Normas para traballar con condensadores eléctricos. Equipos de protección individual.

b) A proba práctica consistirá na resolución dun suposto práctico ou realización dalgunha tarefa proposta polo tribunal sobre algunha das cuestións e materias contidas no temario específico. O tempo para a realización deste exercicio será de dúas horas. Para superar a proba práctica deberá acadarse polo menos unha puntuación de 5 puntos.

c) Coñecemento da lingua galega.- Esta proba unicamente será obrigatoria para o persoal aspirante que non acredite o título de iniciación da lingua galega ou a validación correspondente, ou estar en posesión do Celga 3. O exercicio de galego para os/as aspirantes que deban realizar a proba de coñecemento do idioma galego cualificarase como apto ou non apto. Os/As que non o superen quedarán excluídos do proceso selectivo.

B) Baremo de méritos:

Non terá carácter eliminatorio nin poderá terse en conta para superar as probas da fase de oposición. O baremo de méritos fíxase do seguinte xeito: máximo 6 puntos.

a) Experiencia profesional: Por cada mes completo de servizos prestados en administracións públicas na categoría de Oficial Electricista, 0,15 puntos ata un máximo de 4 puntos.

Os servizos deberán acreditarse coa presentación de certificación de empresa por un lado, xuntamente co contrato de traballo ou nomeamento, se é o caso.

b) Formación:

PERSOAL

MLP/egp

Refª: 16drconvcobinterinaOficialElectricista

Asunto: convocatoria proceso selectivo

Por cursos de formación, expedidos ou homologados por organismos oficiais, directamente relacionados coas funcións propias da praza convocada, nos que se expediran diploma, certificación de asistencia ou, se é o caso, de aproveitamento ata un máximo de 2 puntos de conformidade cos seguintes criterios:

- Ata 14 horas de duración 0,10 puntos.
- De 15 a 24 horas de duración 0,20 puntos
- De 25 a 39 horas de duración 0,40 puntos
- De 40 a 59 horas de duración 0,60 puntos
- De 60 a 79 horas de duración 0,80 puntos
- De 80 a 100 horas de duración 1 punto
- De 101 ou mais horas de duración 1,15 puntos

O puntuación final do proceso selectivo será a resultante da suma das puntuacións obtidas nas probas teórica e práctica superadas coa suma das puntuacións obtidas na fase de concurso.

De producirse empate na puntuación, a orde de desempate será a seguinte:

- 1) Puntuación pola orde dos parágrafos anteriores
- 2) Solicitante de maior idade.

En todos os casos será requisito imprescindible a copia compulsada dos documentos que acrediten os méritos que alega o aspirante.

Unha vez rematado o prazo de presentación de instancias, unicamente poderán corrixir os requisitos indispensables para participar no proceso selectivo, pero non os que voluntariamente achegue o/a aspirante, e que queira presentar para ser tidos en conta na fase de concurso. A presentación da documentación acreditativa dos méritos que se aleguen para o baremo de méritos, deberá facerse dentro do prazo de presentación de instancias, sen que sexa admisible a súa presentación dentro do prazo de emendas.

6.- TRIBUNAL CUALIFICADOR

O tribunal cualificador estará constituído polos seguintes membros:

Presidente:

- D. Pablo Fuentes Faílde, Xefe do Servizo de Enxeñería do Concello de Lugo.

Suplente: D.^a Marta Carballal Neira, Enxeñeira de Camiños, Canais e Portos do Concello de Lugo.

Vogais:

- D. Alberto Cardama Cid, Enxeñeiro Técnico de Obras Públicas do Concello de Lugo.

Suplente: D. Efrén Pereira Alvarez, Enxeñeiro Técnico Industrial do Concello de Lugo.

- D. Ricardo Carballeira Rego, Mestre Electricista do Concello de Lugo.

Suplente: D. José Ramón Núñez López, Mestre Electricista do Concello de Lugo.

PERSOAL

MLP/egp

Refª: 16drconvcobinterinaOficialElectricista

Asunto: convocatoria proceso selectivo

- D. José María Seijas Fernández, Aparellador (Adxunto de Servizo) do Concello de Lugo.

Suplente: D.^a Ana Rodríguez Álvarez, Enxeñeira Técnica Topógrafa do Concello de Lugo.

Secretaria:

- D.^a María García Ferro, Vicesecretaria do Concello de Lugo.

Suplente: D.^a Carolina Álvarez López, Técnica de Xestión do Concello de Lugo.”

Segundo.- Que se proceda a súa publicación na forma legalmente establecida, facéndose saber que esta resolución pon fin á vía administrativa e contra ela caberá interpoñer recurso contencioso-administrativo, no prazo de DOUS MESES, contados a partir do día seguinte ó da súa notificación, ante o Xulgado do Contencioso Administrativo de Lugo ou, á elección do interesado, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñer recurso de reposición, no prazo de UN MES, contado dende o seguinte á notificación da presente resolución, sen prexuízo de que vostede interpoña calquer outro recurso que estime procedente en Dereito.

Cúmprase.